

Na osnovu člana 12. stav (3) tačka I) Zakonao lokalnoj samoupravi Unsko-sanskog kantona („Službeni glasnik Unsko-sanskog kantona“ broj 8/11) i člana 38. tačka 7) Statuta Grada Cazina („Sužbeni novine Grada Cazina“ broj:13/10), a u skladu s članom 36. stav (3) Odluke o izvršenju budžeta Grada Cazin za 2019. godinu (Sl. novine Grada Cazin br. 1/19) Gradonačelnik, donosi:

**PRAVILNIK
O FINANSIRANJU TROŠKOVA PREVOZA
UČENIKA SREDNJIH ŠKOLA U GRADU
CAZINU ZA 2019. GODINU**

DIO PRVI- OPĆE ODREDBE

Član 1.

Ovim Pravilnikom utvrđuju se korisnici, kriteriji i način finansiranja troškova javnog prevoza redovnih učenika srednjih škola, sa prebivalištem na području grada Cazina, u periodu februar-juni, te septembar-decembar budžetske godine, pravo na finansiranje troškova prevoza, uslovi za sticanje i prestanak prava na finansiranje troškova prevoza, nadležnost i postupak za priznavanje i prestanak prava na finansiranje troškova prevoza, finansiranje troškova i druga pitanja od značaja za finansiranje sredstvima Budžeta Grada Cazina.

DIO DRUGI- KORISNICI

Član 2.

(1) Pravo na finansiranje troškova prevoza imaju samo učenici srednjih škola čija je udaljenost od mjesta prebivališta do mjesta sjedišta škole preko 5 (pet) kilometara, a pripadaju jednoj od slijedećih kategorija:

- a) djeca bez roditeljskog staranja,
- b) djeca čija oba roditelja nemaju primanja po bilo kom osnovu bez obzira na broj djece,
- c) djeca sa invaliditetom,
- d) djeca roditelja koji se sami staraju o djetetu, a čija primanja ne prelaze iznos jedne prosječne neto plate isplaćene u F BiH u posljednja 3 mjeseca, prema zvaničnim podacima objavljenim u Federalnom Zavodu za statistiku,
- e) ukoliko u porodici ima dva ili više učenika, a primanja u domaćinstvu po bilo kom osnovu ne prelaze iznos jedne prosječne neto plate isplaćene u FBiH u posljednja 3 mjeseca, prema zvaničnim podacima objavljenim u Federalnom Zavodu za statistiku, pravo na subvenciju troškova prevoza ima drugo, treće i svako slijedeće dijete.

(2) Djeca sa invaliditetom imaju pravo na subvenciju troškova prevoza bez obzira na udaljenost od mjesta prebivališta do mjesta sjedišta škole.

(3) Za učenike iz stava (1) alineja a) ovog člana mjesečna karta za prevoz do škole i nazad će se finansirati u 100 % iznosu, a za učenike iz alineje b-e) ovoga člana mjesečna karta za prevoz će se finansirati u 50% iznosu.

DIO TREĆI- USLOVI ZA STICANJE PRAVA NA FINANSIRANJE

Član 3.

- (1) Postupak ostvarivanja prava na finansiranje troškova prevoza učenika srednjih škola iz člana 2. ovog Pravilnika pokreće se podnošenjem zahtjeva na kojem će podnosilac naglasiti kojoj kategoriji pripada, a priznaje se od prvog u mjesecu u kojem se podnosi zahtjev.
- (2) Svaki podnosilac zahtjeva uz zahtjev je dužan dostaviti slijedeću dokumentaciju:
 - a) Izvod iz matične knjige rođenih,
 - b) Kućnu listu,
 - c) Uvjerenje Kantonalnog ministarstva unutrašnjih poslova-Odsjek za administraciju o prebivalištu na području Grada Cazina (PBA-1 obrazac),
 - d) Uvjerenje o pohađanju srednje škole,
 - e) Bankovni račun,
- (3) Djeca čija oba roditelja nemaju primanja po bilo kom osnovu su dužna dostaviti:
 - a) Potvrdu o nezaposlenosti oba roditelja,
 - b) Ovjerenu izjavu oba roditelja da nemaju druga redovna primanja po bilo kom osnovu.
- (4) Djeca sa invaliditetom su dužna dostaviti pored tražene dokumentacije iz stava (2) ovog člana:
 - (a) dokaz o invalidnosti, odnosno Rješenje nadležnog organa ili komisije, po propisima iz penzijskog i invalidskog osiguranja FBiH, kojim je utvrđena invalidnost.
- (5) Djeca koja pripadaju kategoriji gdje u porodici ima jedan učenik srednje škole, odnosno 2 ili više učenika, a gdje se ostvaruju primanja manja od 1 prosječne neto plate, odnosno 1,5 prosječne neto plate isplaćene u FBiH u posljednja 3 mjeseca, prema zvaničnim podacima objavljenim u Zavodu za statistiku su dužna pored dokumentacije iz stava (2) ovog člana dostaviti slijedeće dokaze:
 - a) Potvrdu poslodavca o radnom odnosu i visini primanja (za zaposlene),
 - b) Ček od penzije (za penzionere),
 - c) Drugi dokument kojim se dokazuje visina primanja u domaćinstvu,
 - d) Ovjerenu izjavu roditelja da nemaju drugih primanja, izuzev onih koja su navedena u Zahtjevu.
- (6) Djeca roditelja koji se sami staraju o djetetu, bez primanja ili primanja koja ne prelaze iznos jedne prosječne neto plate isplaćene u u FBiH u posljednja 3 mjeseca, prema zvaničnim podacima objavljenim u Federalnom Zavodu za statistiku, su dužna pored dokumentacije iz stava (2) ovog člana dostaviti slijedeće dokaze:
 - a) Potvrdu poslodavca o radnom odnosu i visini primanja oba roditelja (ukoliko ima primanja),
 - b) Ček od penzije (za penzionere),
 - c) Drugi dokument kojim se dokazuje visina primanja u domaćinstvu (ukoliko ima primanja),
 - d) Potvrdu o nezaposlenosti oba roditelja (za nezaposlene)
 - e) Ovjerenu izjavu oba roditelja da nemaju drugih primanja, izuzev onih koja su navedena u Zahtjevu.
- (7) Zahtjevi i izjave se mogu dobiti besplatno u JU“ Centar za socijalni rad“ Cazin, na info šalteru Grada Cazin i matičnim uredima.

DIO ČETVRTI - PRESTANAK PRAVA NA FINANSIRANJE

Član 4.

Pravo na finansiranje troškova prevoza učenika srednjih škola, iz člana 2. ovog Pravilnika prestaje:

- a) kad učenik izgubi status redovnog učenika srednje škole,
- b) kad učenik promijeni porodični status, odnosno promijeni se socijalni i materijalni status porodice učenika,
- c) kad učenik iz bilo kojih razloga prestane koristiti usluge finansiranja prevoza,
- d) kad nastupe okolnosti od uticaja za prestanak prava na finansiranje.

DIO PETI - NADLEŽNOST I POSTUPAK ZA PRIZNAVANJE I PRESTANAK PRAVA NA FINANSIRANJE

Član 5.

O pravu na finansiranje troškova prevoza određenih kategorija učenika srednjih škola i prestanku tog prava, a po zahtjevu jednog od roditelja odnosno staratelja djeteta, ili po službenoj dužnosti u prvom stepenu odlučuje JU "Centar za socijalni rad" Cazin.

Član 6.

(1) Zahtjev za ostvarivanje prava na finansiranje troškova prevoza sa dokumentacijom navedenom u članu 3. ovog Pravilnika, učenici su dužni dostaviti u JU „Centar za socijalni rad“ Cazin na nadležno postupanje, koji, nakon utvrđivanja formalnih i materijalnih uslova donosi **Rješenje o ostvarivanju prava na finansiranje troškova prevoza.**

Prije donošenja rješenja JU „Centar za socijalni rad „ zadržava pravo procjene socijalnog stanja porodice i utvrđivanja postotka finansiranja cijene mjesečne karte.

(2) Rješenje iz stava (1) ovog člana JU „Centar za socijalni rad“ Cazin je dužno donijeti u roku od 30 dana od dana prijema zahtjeva i primjerak istog dostaviti Službi za društvene djelatnosti.

(3) U postupku za priznavanje i prestanak prava na finansiranje troškova prevoza određenih kategorija učenika srednjih škola, primjenjuju se odredbe Zakona o upravnom postupku.

(4) Korisnik prava na finansiranje dužan je organu koji je u prvom stepenu odlučivao o pravu na finansiranje, prijaviti svaku promjenu koja je od uticaja za ostvarivanje, obim ili prestanak prava, u roku od 15 dana od dana nastanka promjene.

(5) Korisniku prava na finansiranje koji u 2019. godini ispunjava uvjete navedene u Pravilniku o finansiranju troškova prevoza učenika srednjih škola u Gradu Cazinu za 2019. godinu, će se pravo za narednu budžetsku godinu produžiti bez ponovnog provođenja postupka, a na osnovu potvrde o pohađanju srednje škole.

(6) učenici koji ponavljaju godinu ne mogu koristiti sredstva subvencija za tu godinu.

Član 7.

(1) Protiv prvostepenog rješenja o priznavanju, odnosno prestanku prava na finansiranje troškova prevoza može se podnijeti žalba.

(2) Žalba se podnosi Komisiji za žalbe Gradskog vijeća Cazin u roku od 15 dana od dana dostavljanja rješenja, a predaje se neposredno ili šalje poštom organu koji je donio prvostepeno rješenje.

DIO ŠESTI - FINANSIRANJE TROŠKOVA PREVOZA

Član 8.

- (1) Pravo na finansiranje troškova prevoza određenih kategorija učenika srednjih škola, finansira se iz Budžeta Grada Cazina do utvrđenog iznosa u članu 10 ovog Pravilnika.
- (2) Osnovicu za izračunavanje učešća Budžeta Grada Cazina u finansiranju troškova prevoza određenih kategorija učenika srednjih škola, predstavlja cijena mjesečne karte.
- (3) Kopije mjesečnih karata ili potvrdu prevoznika učenici su dužni dostaviti u JU „Centar za socijalni rad“ Cazin, radi provođenja kontrole utroška doznačenih sredstava.

Član 9.

- (1) Služba za finansije, računovodstvo i trezor će nakon podnešenog zahtjeva za doznačena sredstva od strane JU „Centar za socijalni rad“ Cazin, doznačiti utvrđeni mjesečni iznos JU „Centar za socijalni rad“ Cazin.
- (2) JU „Centar za socijalni rad“ Cazin će doznačena sredstva uplatiti na bankovni račun učenika ili bankovni račun jednog od roditelja, odnosno staratelja do 30-tog u mjesecu za naredni mjesec, ukoliko su pravdali sredstva za prethodni mjesec.

Član 10.

- (1) Sredstva za realizaciju ovog Pravilnika obezbjeđena su u iznosu od 82.000,00 KM u Budžetu Grada Cazina za 2019. godinu.
- (2) Grad Cazin može privremeno ili trajno prekinuti finansiranje troškova prevoza učenika, ukoliko dođe do znatnog smanjenja prihoda zbog objektivnih okolnosti na koje Grad Cazin ne može utjecati.

DIO SEDMI- NADZOR

Član 11.

Nadzor nad provođenjem odredaba ovog Pravilnika vršit će Služba za opću upravu i društvene djelatnosti, JU „Centar za socijalni rad“ Cazin i Služba za finansije, računovodstvo i trezor, svako u okviru svoje nadležnosti.

Član 12.

Grad Cazin zadržava pravo praćenja utroška sredstava doznačenih JU „Centar za socijalni rad“ Cazin, te preispitivanje namjenskog utroška doznačenih sredstava.

DIO OSMI- ZAVRŠNA ODREDBA

Član 13.

Ovaj Pravilnik stupa na snagu danom potpisivanja, a objavljujiv će se u Službenim novinama Grada Cazina.

Obrađivač: Služba za opću upravu i društvene djelatnosti, Hasan Salkić prof.

Broj: GN-14-9777/19
septembar 2019.godine
C a z i n



GRADONAČELNIK:
mr. Nermin Ogršević